

# Ratusan ubur-ubur api terdampar di Pantai Teluk Bidara

UM 29/01/24 MS 36

Oleh NIK NUR IZZATUL  
HAZWANI NIK ADNAN  
utusannews@mediamulia.com.my

**DUNGUN:** Ratusan ubur-ubur api berwarna biru ditemukan terdampar di Pantai Teluk Bidara di sini, kelmarin.

Kurator Kanan, Pusat Rujukan dan Repositori Laut China Selatan (RRC), Universiti Malaysia Terengganu (UMT), Azwarina Mohd. Azmi Ramasam berkata, ubur-ubur beracun tersebut ditemukan bekas penuntut universiti itu, Siti Nur Zahirah Kamarudin sebelum menghubungi pihaknya untuk mengesahkan

spesies yang ditemukannya.

“Berdasarkan gambar dan video yang dihantar Nur Zahirah, terdapat ratusan ekor ubur-ubur tersebut di sepanjang pantai berkenaan.

“Kita perlu maklumkan kepada orang ramai mengenai kehadiran ubur-ubur itu sebagai langkah keselamatan memandangkan masih ramai yang berkelah dan berkreasi di tepi pantai,” katanya ketika dihubungi, semalam.

Menurutnya, meskipun setakat ini tiada kematian direkodkan bagi sengatan ubur-ubur spesies tersebut, namun ia masih

boleh mengundang kesakitan dengan beberapa kes telah dirawat di hospital sebelum ini.

Dalam pada itu, tambahnya, lebih 30 ekor ubur-ubur api yang masih hidup turut ditemukan di sepanjang pantai dekat UMT, Kuala Nerus pada Khamis dan sampelnya telah dibawa ke RRC untuk kajian.

“Orang ramai yang terjumpa dengan hidupan marin yang meragukan dan berbahaya bolehlah menghubungi pihak berkuasa tempatan, Jabatan Perikanan dan Angkatan Pertahanan Awam Malaysia untuk tindakan lanjut,” katanya.